

Xeerarka kala dambeynta ee Shirkadda guryaha (guryaha dabaqa ah)

Xeerarka waxaa loo sameeyey si loo sugo nabadgelyo iyo raaxo ku noolaanshada dadka guriga ku nool. Qof walba waa inay ka fakarto oo tixgeliso dadka kale ee guriga degan ayna qiimeeyso hab dhaqankeeda. Dadka guriga degan waa inay sidoo kale ka taxadaraan in martidoodu ay u hogaansanto qawaaniinta iyo xeerarka daarta looga dhaqmo.

Ogeysiiska guuritaanka

Marka guriga loo soo guurayo iyo marka laga guurayo intaba waa in mar walba la ogeysiiyaa xafiiska dad dhigida iyo sidoo kale xafiiska adeega macaamiisha ee shirkada guryaha maamusha.

Goobaha danta guud ama la wada isticmaalo

Albaabada banaanka ee goobaha la wada isticmaalo waxay xiranyihiin saacadaha u dhexeeya 21–07. Markii aad albaabka hore ka soo gashid waa inaad hubisaa in albaabku uu xirmay soo gelitaankaaga kadib. Goobaha dadka guriga degan ka wada dhexeeya waa in lagu maro si aamusnaan ah, sidoo kalena waxaa ka mamnuuc ah in si macno daro ah loo joogo ama sigaar lagu cabo goobahaas. Waa inaan wax lagu goyn marinka lana dhawro nadaafada goobaha dadka guriga degan ka dhexeeya iyo bannaanka gurigaba. Sababo la xiriiira nabadgelyada dabka awgood alaabooyinka waxaa lagu kayd in karaa oo kaliya goobaha loogu talagalay ama loo cayimay kaydintooda, tusaale ahaan xoolasha caruurta iyo baaskiilada waa macnuun in lagu kaydiyo ama la dhigo janjarada daarta hoosteeda. Waa mamnuuc in daarta lagu dhajiyo wax boorar ama xayeesiino ah. Guriga waxaa anteenno loogu xiri karaa oo kaliya si waafaqsan hagitaanka xafiiska guryaha ee Espoo uu ka bixiyey habka xiritaanka anteennooyinka. Albaabka hore ee guriga laga soogalo bannaakiisa lama dhigi karo wax roogar ah (kynnysmattoja).

Qolalka dharka lagu dhaqo

Qolka dhar dhaqidu waxay leeyahay xeer u gaar ah hadba shirkada guriga maamusha. Dhar dhaqida dabadeed waa in qolka oo nadiif ah laga tago lagana taxadaro in korontada laga jaro mashiinada. Mashiinka dhar dhaqida laguma dhaqi karo wax roogag ah. Dharkaaga waa inaad ka aruursato qolka qalajinka hadiiba marka dharku uu qalalo. Mashiinka dharka qalajiya qaanadiisa hoose waa in isticmaalka kadib mar walba laga nadiifiyo tunta ama dufta uu dharku ku reebay.

Maareynta qashinka

Qashinada caadiga ah iyo qashimada kale waxaa ayadoo la baceeyey lagu ridaa weelasha qashinka ayadoo la raacayo hagitaanada qoran ee laga bixiyey kala saarida qashinka. Qashimada aan ahayn kuwa caadiga ah (sida qalabka guriga) fogeyntooda waxaa xil ka saaranyahay oo iska leh dadka guriga degan mana aha in lagu rido weelasha qashinka loogu talo galay. Haraaga khatarta ah sida tusaale ahaan kaarikada telefoonada, bateriga, weelasha rinjiga wax la mariyo uu kadhamaaday iyo daawooyinka waa in lageeyo goobaha dib u isticmaalidda ay HSY u cayintay (kierrätyspiste).

Baarkimada gawaarida

Gawaarida waxaa loo ogolyahay oo la dhigi karaa boosaska iyaga loo qabtay oo loo calaamadeeyey oo kaliya. Baarkinka qofka guriga degan waxaa loo ogolyahay meesha asaga loo qabtay oo kaliya sidoo kale martida waxaa loo ogolyahay boosaska martida oo kaliya. Boosaska martida waxaa loogu talagalay in martidu gawaarida dhigato waqti gaaban oo kaliya. Baarkimada guriga waxaa loogu talagalay oo kaliya gawaarida yar yar iyo mootooyinka shaqaynaya ee aan ciladda lahayn. Gawaarida iska istaaran waa mamnuuc. Uga tegitaanka gawaarida qaraabka ah ama qaybahooda goobta baarkinka waxaa qofka iska leh uga imaanaya ganaax lacageed oo la xiriirta qarashka lagu qaaday iyo waxyeelda ka soo gaartay bay'adda. Fiilada qaariga lagu kululeeyo waa in isticmaalka ka dib mar walba korontada laga saaro isla markaasna la xiro santuuqa korontada. Gaariga oo marwalba si khaladan loo baarkingareeyo wuxuu sababi karaa heshiiska kirada oo la burriyo ama la kansalo (KKO:1997:85).

Qolalka

Waa mamnuuc dhamman wixii hab dhaqan deriska dhibaya ah. Saacadaha u dhexeeya 22-07 waa in deriska la siiyo nabgelyo iyo daganaansho habeen. Guriga aad degantahay waa in si fiican loo dhawro. Waxyeelooyinka biyaha ee ay tubooyinka jaban sababaan ama ciladaha lagu arko goobaha la wada isticmaalo waa in si aan daahid lahayn loo ogeysiyo shirkada guriga daryeesha. WC-ga ama musqulaha iyo qasabadaha kale ee wasaqda qaada laguma ridi karo wax qashin ah oo xiri kara ama waxyeelo u geysan kara qasabadaha bulaacada.

Balakoonada

Waa mamnuuc in balakoonka guriga lagu jafo wax roogag ama gogosha sariiraha ah. Jafida roogaga iyo gogosha sariirta waxaa loo ogolyahay oo keliya in lagu jafo meelaha loogu talagalay ama loo qabtay jafitaankooda. Balakoonka guriga waxaa loo ogolyahay in dharka lagu qoraxeeyo laguna qalajiyo ayadoo la isticmaalayo xariga balakoonka hoostiisa ku xiran. Waa mamnuuc in balakoonka lagu dhaqo biyo qul qulaya ama dareeraya.

Balakoonka waxaa si adag uga mamnuuc ah in wax lagu dubo ama cunto lagu kariyo. Waa mamnuuc in balakoonka ama banaanka daarta shirkada guriga lagu quudiyo wax xayawaanaad duur joog ah

Xayawaanaadka gurijooqta ah

Qololka bannaankooda marka la joogo xayawaanaadka gurijooqta ah waa in mar walba xariga lagu hayo si aysan u dhibin dadka kale ee daarta wax ka degan. Waxaa si adag mamnuuc u ah in xayawaanaadka gurijooqta ah loo bannaan bixiyo ama lagu hayo daarta barxadeeda ama sheedeeda. Saxarada xayawaanaadka gurijooqta ah waa in lagu aruuriyo weelasha qashinka.

Sigaar ku cabida guriga dhexdiisa iyo daarta oo dhan

Dhammaan qololka

Qolalka sigaar laguma cabi karo hadii heshiiska kirada lagu mamnuucay. Kharashka dayactirka ee sigaarku sababay ma ahan mid qabow caadiya ah ka yimid. Kharashka dayactirka ee ay dhibaataada sigaarku guriga u keento waxaa biilkeeda magdhawga lagu soo dalacayaa qofka guriga degan oo sababay dhibaataada.

Kadib marka heshiiska kirada ee dhamaan guryaha daartu ka koobantahay lagu daro mamnuucida sigaar cabida, ayaa waxaa dhaqan galeysa in mamnuucida sigaar cabku ay sidoo kale saameeyso balakoonada iyo goobaha kale ee daarta dhexdeeda ah. Arintaan waxaa la iclaamin doonaa markii uu xeerku si rasmi ah u dhaqan galo.

01/2010 kadib guryaha dib loo dayactiray

Waxaa ka mamnuuc ah in sigaar lagu cabo guriga dhexdiisa, balakoonka iyo sidoo kale daarta oo dhan dhexdeeda. Kharashka dayactirka ee ay dhibaataada sigaarku guriga u keento waxaa biilkeeda magdhawga oo kaamil ah lagu soo dalacayaa qofka guriga degan oo sababay dhibaataada.

01/2010 kadib guryaha la dhisay

Waxaa ka mamnuuc ah in sigaar lagu cabo guriga dhexdiisa ama balakoonka iyo sidoo kale daarta oo dhan marka laga reebo meelaha ay suurtoogalka tahay in loogu talagalay cabitaanka sigaarka. Kharashka dayactirka ee ay dhibaataada sigaarku guriga u keento waxaa biilkeeda magdhawga oo kaamil ah lagu soo dalacayaa qofka guriga degan oo sababay dhibaataada.

Jabinta xeerarka

Xeerarka guriga u yaal oo si joogto ah loo jabiyo waxay keeni karaan ama lagu mutaysan karaa ganaax ama magdhaw lacageed iyo/ama heshiiska kirada guriga oo la burriyo ama la kansalo.

Xeerarkaan kala dambeynta guriga waxaa lagu turjumi doonaa 12 luuqadood oo kala duwan. Fiiri bogga internetka ee www.espoonasunnot.fi ama dalbo nuqulkooda.